

食及德魯衛三藩府各郡王祿糧等項一曰脩城其銀亦儲在布政司以供脩理城垣之費一曰備廟其銀亦儲在布政司以供岳頂諸廟脩理之費每香稅八分內除五釐備廟一曰公費供香稅各委

官廉給并跟隨人役工食其銀即於泰安州支給一曰銅錢舊例解禮部近歲部中久不取解俱貯之藩司正所謂錢累巨萬而實行云

縣一

十六



岱史第十四卷災祥志  
叙曰曷志乎災祥也謂泰山氣化攸先其災祥關係天下國家尤大也往昔災祥見於泰山者如大石立起而漢宣踐祚祥雲成闕而光武中興其祥之最著者乎燕鳥焚巢而飛

燕滅漢雄雉犯蹕而武氏曷唐其災之最著者乎若論夫災祥之實孰有如宋嘉祐間泰山上瑞麥圖五本我朝嘉靖間泰山瑞麥一本五穗則其祥可以養生他如御帳流洪死於溺者三百餘戶碧霞宮啓閉死於踐躅者頃刻六七十人則其災至於戕生是又不帝機授朕兆所號為災祥而已夫災祥示人豈不昭然祥以符德或以導侈災以告讒或以玉成天意詎有常哉惟獲祥而益勉故享有佳禎遇災而知脩故妖不勝德斯義也

豈特聖君賢相所宜講求即膺命擔一壽者罔不有挽回氣化之責毋以災祥為漫然無足省云

漢昭帝元鳳三年春正月泰山大石起立高丈五尺有白鳥數千集其旁儻柳復起生

縣一

廿七

車食柳葉成紋曰公孫病已立符節令眭弘以為石陰類下民象當有廢人為天子者坐妖言伏誅其後宣帝起民間成帝河平元年泰山桑谷有燕焚其巢郡人孫通等聞山中群鳥驚鳴聲往視見巢

難盡墮地中有三鷲殼燒死樹大四圍巢去地五丈五尺易曰鳥焚其巢旅人先咲後號兆京房易傳曰人主暴雷鳥焚其巢其後趙飛燕姊妹專寵後宮有子者殺之并殺其母帝崩后坐誅此焚巢殺子後號

兆之應也一曰王莽食官而任社稷之重卒成易姓之禍云  
光武皇帝建武元年泰山雲氣成宮闕章帝元和二年二月辛未幸泰山黃鸝三十經祠壇上東北過于齋宮翺翔升降

晉武帝泰始四年七月泰山崩墜三里京房易傳曰自上下者為崩泰山之石顛而下厥應聖人受命人君虜是後懷愍二帝俱辱虜庭淪晉於北元帝中興於南此其應也

元帝大康二年六月泰山大水蕩析三百餘家溺死六千餘人時平兵後王濬為元功而詆劾妄加荀勗為無謀而並蒙重賞收兵姬五千納之後宮此其應也  
成帝咸康八年趙石虎建武八年有石然

于泰山八日而滅

宋孝武帝大明元年七月白雀見泰山

東魏宣武帝景明三年八月辛巳泰山崩湧

水十七處武定六年四月泰山甘露降

後齊天統初泰山封禪壇至壁自出夫岱山

王者易姓告代之所玉璧所用之幣而自

出將有異姓王者用幣之象其後齊亡地入于周及高祖受周禪天下一統焚柴泰山告祠之應也

隋文帝開皇十四年將祀泰山令使者致神

像于祠未至數里野火歛起燒像時帝信

讒猜忌滕王瓚失志而死功臣多被夷滅

其後太子勇被戮

唐高宗永徽二年七月泰山大水 十三年

十月戊子雄雉馴飛泰山齋宮內夫封

禪所以告成功祀事無重於此者而野鳥馴飛不忘禁衛不祥

宋真宗大中祥符元年五月泰山醴泉出丁

丑王母池水變紅紫色按史乾封縣民王

用田中有童兒培土得青錢數十爭取之

錢墜石罅因發石湧泉二十四眼味極甘

美又枯石河有湧泉二十五眼一眼出層

阜之上經宿勢漫盛引數派雙魚躍其中

有果實流出似李差小味甚甘制置使王

欽若貯水以獻六月庚戌賜百官詔建亭

賜額曰靈液六月王欽若至乾封上言泰

山醴泉出天書見有靈芝三萬八千二百五十本

夫醴泉芝草固理之所有乃若天書之降吾誰欺欺天乎

二月泰山王女白龍王母池醴泉出丁酉

賜輔臣新醴泉 六年十月泰山興工有

鳥狀鳥嘴趾皆赤後天稍憇即飛鳴作起

之聲衆工見其來各鑄爭進將哺而去日

以為常目為催工鳥

仁宗嘉祐三年七月泰山上瑞麥圖九五

本

元世宗至元九年九月泰山淫雨河水溢圯

田廬害稼

成宗元貞元年六月泰山大水

武宗至大元年九月泰山大水

仁宗延祐元年三月泰山雷雪三日

文宗天曆元年泰山大水

順帝元統元年泰山淫雨河水溢大饑

至正六年春三月泰山奉符縣大饑地震

七日他縣亦然

皇明成化二十一年春三月三月泰山屢震

遣官祭之

正德十六年春三月岱廟東廊火

嘉靖八年泰山蝗九年十年如之 十六

年六月泰山水漂溺數百人十一月州城

火延燒數十家二十一年泰山蝗不為災

二十二年泰山夏再稔麥粟有一本三

穗至五穗者知州馬逢伯獻手朝 二十

九年十二月岱廟火正殿門廊俱焚古樹

碑刻亦多毀者 三十年六月泰山大水

御帳衝壞人多溺死 三十二年泰山大

縣一

十

饑民相劫奪行旅不通 三十三年春泰山大饑餓草枕籍貧民多取其肉食之萬曆十四年十月十八日泰山碧霞宮四方來焚禱者互相踐踏死六十一人今巡撫都御史李委濟南府通判桑東陽往經理收葬

岱史第十五卷登覽志

縣二

叙曰曷志乎登覽也志古今人登覽者之文若歌若詩若序記是也嘗聞丘壺子曰務外遊不如務內觀故列子自以爲不知游而眉山蘇子曰人之所遇役於事者常多遊於物

縣二

外者常少由斯以談遊何容易哉泰山之遊乎躋日觀月觀之高峰可以俯仰宇宙探龍文虎阜之奇石可以磨礪壯懷臨天紳聖水之飛泉可以澡溉精爽尋呂公婁敬之幽洞可以呼吸烟霞豈謂外遊非內觀之助耶

○要以孤矢四方之志高人達士之懷古今一也其間遊而能言者暢布於篇章即若壑秀偉萬狀若燐入丹青然而其寄興高遠飄飄然有不局於山水間者彼豈徒以娛耳目爲解騁詞翰爲富乎玩物適情固內觀者所不

廢也宣聖在陵作歌千載絕唱是用冠諸編簡永耀山靈漢魏而下以迄於今則皆植世

次錄焉

詩歌

周

孔子在陵歌登彼丘陵蒺藜其阪仁道在邇

求之若遠遂迷不復自矜屯蹇喟然回顧題彼泰山鬱確其高粱南回連枳棘克路陟之無緣將伐無柯患滋蔓延惟以求漢涕實滂瀼瀼

○曳杖消搖於門歌曰泰山其

頽乎梁木其壞乎哲人其萎乎

見禮記檀弓曰泰山其頽則吾將安仰梁木其壞則吾將安立故夫子殆將病也蓋疾七日而沒也然觀此則知吾夫子蓋以泰山自處故併錄之

漢

張衡四愁詩之一我所思兮在泰山欲往從

之梁父艱側身東望涕霑翰美人贈我金錯刀何以報之英瑤瑤路遠莫致倚道遙何爲懷憂心煩勞

魏

曹植飛龍篇晨遊泰山雲霧窈窕忽逢二童

顏色鮮好乘彼白鹿手翳芝草我知真人長跪問道西登玉堂金樓後道授我仙藥神皇所造教我服食還精補髓壽同金石求世難老○驅車篇驅車揮鷲馬東到奉